

CAPUT II. DE MORBIS.

I.

Morbus sensu medico, & quidem strictiore sumptus, est lesio quedam, sive in partibus solidis, quoad structuram, & continuitatem, aut illarum officium; sive in partibus fluidis, quoad quantitatem, aut qualitatem, contingens: quæ vel physico, vel morali nexu, actionum vitalium, naturalium, aut animalium perturbationem, aut extraordinariam intensionem post se trahit.

SCHOL.

Dicitur equidem communiter, & ex vulgari sententia morbus omne id, quod principaliter patitur æger, & tanquam molestum aut periculosum sentit: de quo dici potest, quod præter, aut contra naturalem sanitatis statum, in corpore contingat. Verum enim vero, si hanc morbi definitionem rite ponderemus, satis manifeste elucefecit, eandem haud adæquatam, nec sufficientem esse, cum hac ipsa definitione morbus a symptomate non debite ac legitime distinguatur, certissimumque sit, symptoma æque molestum, & pro re nata sæpiissime & periculoso esse, ac ipsum morbum.

II.

Hoc sensu atque intuitu lesio talis, quam strictè morbum vocamus, aliquando jam actu præsens, aliquando vero immi-
nens, aut ad minimum incipiens saltem esse potest.

SCHOL.

Læsionem actū jam præsentem vocamus talem partium vel fluidarum, vel solidarum, a statu naturali declinationem, quæ manifesto, aut satis probabiliter in sensus incurrit, suamque præsentiam per signa sa-
tis certa declarat: imminentem vero, aut quasi incipientem læsio-
nem

nem dicimus, quando v. g. dispositio quidem proxima ad notabilem vel solidarum vel fluidarum partium, quoad strueturam, aut mixtrum, a causa praesente presto est, ita ut natura aliqualem ad minimum aestimationem moralem de illa instituere possit, motusque laesioni tali proximae metuendae opponere valeat, atque necesse habeat. Sic priori intuitu vel actualis sanguinis spissitudo, vel ipsius abundantia excessiva, vel solidae alicujus partis obstructio & infarctus, laesionem praesentem, respectu humorum partim quantitatem, partim qualitatem afficien tem, respectu solidae autem partis, officium ipsius laudentem constituit, contra quam natura necessario pro viribus insurgere debet, ut tempestive removeatur.

Posteriori sensu, sub morbis, quos malignos vocamus, causa morbis adesse potest, & quidem peregrina, intimore insinuatione & diutiore innidulatione mixtionis dissolutionem certo productura; quæ tamen tunc temporis, ubi natura motus salutares pro ejus excretione suscipit, ipsam mixtionis animalis dissolutionem nondum produxit, sed præsentia sua proxime illam minatur, aut forsan levissimo saltu gradu nocere coepit, interea tamen ansam praebet, ut natura illius excretionem tempestivam, debitum hunc in finem susceptis motibus, curet.

III.

Non semper id, quod communi loquendi modo morbum vocamus, revera morbum aut lesionem constituit.

SCHOL.

Primo intuitu hoc assertum paradoxon videri potest, si quis diceret, febrem non esse morbum: interea verissimum manet assertum, sui legitimam considerationem apud medicos praticos maximopere urgens. Notissimum quidem est, in communi non solum vita, sed a medicis etiam, molestiis illis, de quibus ægri plurimum conqueruntur, saepissime morborum nomen imponi; cum tamen minime hoc nomen mereantur, illamque laesionem sive factam, sive metuendam, non consti tuant, cui Medicus necesse haberet, ut obviam iret, aut directe consilia sua opponeret, aut quam studiose oppugnare deberet; etiamsi ipsius

ipsius officii sit, ut hasce quoque molestias, per læsionis, aut causarum lædientium remotionem, removere studeat.

IV.

Sunt potius illæ, de quibus ægri conqueruntur, sensations molestæ, et si non omnes, tamen plurimæ, & frequenterissime, nil nisi motus naturæ autocratici, quibus cœn remedius naturalibus atque domesticis, pro corrigenda, aut foras eliminanda causa morbifica, & læsione presente removenda, aut imminente præoccupanda, optimo & salutari consilio utitur.

SCHOL.

Hoc assertum ut clarius illustremus, necesse erit, ut brevissime ex physiologicis in memoriam revocemus, corporis nostri admodum fragilis, summeque corruptibilis conservationem ac præservationem ab actuali putredine, post ingestionem illorum, quæ illud nutritre possunt, primario, imo unice impetrari per motus secretorios & excretorios, quotidie in corpore vivo & sano fientes, ac debito ordine continuatos; qui motus, cum in statu naturali & quotidiano non nisi materias consuetas, ordinarias, & quotidianas pro objecto habeant, nulla extraordinaria exacerbatione aut excitatione indigent, sed placide, ac sine molestia a natura peraguntur; ita ut sub illorum ordinaria continuatione, debito vigore, omnes quoque actiones corporis vivi, sive vitales, sive animales, aut denique naturales, vigere dicantur.

V.

Omne id, quod ita placide & ordinarie in statu naturali & sano quotidie contingit, id essentialiter quoque accidit in plurimis morbis, nec nisi gradu aut ordine differt ab eo, quod naturale audit.

SCHOL.

Cum enim res præternaturales, i. e. causæ morbificæ, sive in corpore progenitæ, sive ab extra in corpus delatæ, vel veram læsionem humana Cosehwitzii Pathologia.

rum aut partium solidarum produxerint, vel proxime illius inductionem minitentur, natura autem in sua proxima potestate nil nisi humores, ac motus habeat; sane non contrariatur rationi, quod per eosdem, quibus ad sueta quotidie est, motus secretorios & excretorios has causas morbificas, tanquam præternaturales & heterogeneas, removere studeat, & cum materia excernenda sit vel quantitate vel qualitate extraordinaria, motus quoque extra ordinem dirigat, atque intendat, iisque invigilet, & pro re nata, atque periculi diversitate, vitalibus actibus magis invigilando, reliquis, tanquam in comparatione cum illis, tunc minus necessariis, in tantum supersedeat.

Unde fit, ut varia pathemata in corpore sentiantur minus consueta & extraordinaria, qualia v. g. sunt frigus aut æstus p. n. sub ita dicta febre, & hinc dependens præcordiorum anxietas, capitis dolor, sitis, lassitudo, sudor, appetitus dejectio, vigilie, rubor faciei, aliaque, quæ secundum morrem receptum tam ad morbum, quam ad symptomata referuntur, cum tamen, si verum dicere fas est, ipsa febris non pro morbo aut læsione ipsa, sed potius pro salutari naturæ actu, contra læsionem suscepto, sit habenda.

Id quod in pluribus adhuc morbis, sub pathologia speciali clarius evadet, & summag in medicina practica utilitatem habet, quo medicus ansam ubique capiat motus illos naturæ salutares quounque modo sublevandi, aut si quoad ordinem vel gradum a recta reclinent via, in justum ordinem redigendi: quippe quod verum existit medici officium, in eo consistens, ut verus sit naturæ minister.

VI.

Morbi superius data definitio tollit quoque alias morborum divisiones, minus utiles, aut plane ficticias.

SCHOL.

Cum enim in antecedentibus dictum sit, morbum esse læsionem aliquam, sive in partibus solidis, sive fluidis, secundum diversos citatosque respectus occurrentem, non opus erit tritæ alias atque consuetæ divisionis morborum, qua dispescuntur in morbos conformatioñis, compositionis, læse unitatis, & intemperiei: morbi enim conformatioñis, compositionis, & læse unitatis respiciunt partes solidas, earumque structuram & officium: morbi autem intemperiei respiciunt humores, eorumque crasis vel qualitatem, de quibus imposterum plura erunt dicenda.

Longe

Longe minoris autem necessitatis ac utilitatis est repetitio subdivisionis veteribus usitatæ, qua morbos diviserunt in morbos intemperie, quatenus cum vel sine materia existunt, cum sane intemperies sine materia sit non-ens, sive ens phantasiæ, & intemperies sit qualitas materiae substratæ, de qua loquimur, ita ut absonum sit, materiam a qualitate separare velle. Quapropter hæc tanquam supervacanea relinquimus, & suo loco ea, quæ de morborum differentia dicenda sunt, reservamus.

CAPUT III.

SUBIECTO DE MORBORUM.

I.

Subiectum morbi generalissimo sensu dicitur id, quod morbum patitur.

II.

Cum hoc intuitu secundum diversos respectus diversa morborum subjecta in conspectum venire possint, satius esse putamus, si triplex morborum subjectum constituamus: unum nempe generale, alterum speciale, & tertium specialissimum.

III.

Generale morborum subjectum aliud haud constituendum erit, quam homo vivus.

SCHOL.

Hic unice est, de quo in tota pathologia medica sermo est: quamvis enim notissimum sit, bruta quoque ægrotare, morbisque subjici; nunquam tamen medico res est cum illis, sed huic solum corpus humanum vivum concreditur, ut ejus ægritudinibus medeatetur, atque succurrat, quoniam illud ex naturali sua conditione mixtionis ad morbos & læsiones admodum primum existit, & per hujus læsionem actiones animæ quoque diversimode lœduntur.